

昌黎先生集

十九



昌黎先生集卷第二十二



祭文

祭田橫墓文

田橫初為漢將灌嬰敗

高祖即位懼誅與其徒五百餘

人多附橫恐後有亂乃使使赦

橫罪而召之橫與其客二人乘

傳詣洛陽至尸鄉廐置遂自剄

今客奉其頭從使者馳奏高帝

流涕以王者禮葬橫既葬二客

穿其冢旁皆自剄從之其餘客

在海中者聞橫死亦皆自殺晁

太史無咎嘗取公此文於續楚

辭而系之曰唐宰相如董晉亦

未足言而晉為汴州纔奏愈從

事愈始終感遇語稱隴西公而

不姓後從裴度亦自謂度知己

然度亦終不引愈共天下事故

愈躊躇發憤太息於區區之橫

以謂夫苟如橫之好士天下

將有賢於五百人者至焉

貞元十一年九月愈如東京道出田橫墓下

十一年諸本或作東京如洪慶善曰東京洛陽也

如東京或作東京如洪慶善曰東京洛陽也

公以貞元十一年秋則公為御史是冬即貶陽山

都也十九年秋則公為御史是冬即貶陽山

安得也以九月方出閣杭蜀本東如京云田橫

墓在偃師尸鄉洛陽東三十里今公自河陽

道橫墓下以入洛故云東如京也○今按洪

慶善作如東京及考歲月皆是方氏亦以京

為洛陽但據三本必欲作東如京為誤耳今

且未須別考它書只以其所引田橫墓在洛陽東者論之則自墓下而走洛陽乃是西向安得可言東如京乎况唐都長安謂洛陽為東京則可直謂之京則不可其理又甚明若據元和郡國志則河陽西南至河南府八十里其大勢亦不得云東如京也此又三本謬誤之一證故復感橫義高能得士心下或有因取表而出之

酒以祭為文而弔之其辭曰事有曠百世而相感者余不自知其何心非今世之所稀孰為使余歔歔而不可禁余既博觀乎天下曷有庶幾乎夫子之所為死者不復生嗟余去此其從誰死者或作死而生當秦氏之敗亂

大正十  
昌黎集卷廿二  
二  
廿餘堂一王

得一士而可王何五百人之擾擾而不能脫

夫子於劔鉉抑所寶之非賢亦天命之有常寶之或作寶昔闕里之多士孔聖亦云其遑者天或作大苟余行之不迷雖顛沛其何傷

自古死者非一夫子至今有耿光皆非是

跽陳辭而薦酒竄髮髻而來享集韻靈良反

人用多作上聲惟前漢禮樂志郊祀詩云發  
梁揚羽申以商造茲新音永又長聲氣遠條  
鳳鳥翔神夕掩虞蓋孔享享作  
平聲退之叶韻蓋有所本也

歐陽生哀辭歐陽名詹字行周泉州

歐陽詹世居閩越自詹已上皆為閩越官至

州佐縣令者累累有焉閩越地肥衍有山泉

禽魚之樂雖有長材秀民通文書吏事與上

國齒者未嘗肯出仕今上初故宰相常袞為

福建諸州觀察使治其地治上或有袞以文

辭進有名於時又作大官臨莅其民鄉縣小

民有能誦書作文辭者袞親與之為客主之

禮呂汲公本如此方從閣抗苑粹辭進下即

小六通類 八昌卷廿三 三 廿採堂 王壽

有名至其民又屬親與云云顛倒錯亂全無

文理而方云三本如此不當輕改其蔽如此

今定從呂本方主下有可取云觀游宴饗必召

鄉縣作縣鄉則尚有可取云與之

疑與如字而之下當有俱字時未幾

皆化翕然起為福建觀察使始閩人未知學

袞至為設學校使為文章親加講導與為客

主均禮觀游燕享與焉由是俗一變歲貢士

與內詹于時獨秀出袞加敬愛諸生皆推服

閩越之人舉進士繇詹始貞元八年詹與公

進士此言閩人舉進士自詹始及觀林蘊泉

山銘叙則謂閩川貞元以前未有文進者也

因廉使李邕公綺興啓庠序請獨孤常州及

為記中辭云縵胡之纓化為青衿其兄藻

與友歐陽詹繼登正第以其年考之則藻之  
登第又在詹之前然長溪薛今之以中宗神  
龍二年擢第則又在藻之前矣建中貞元間  
退之謂由詹始豈考之未詳耶

余就食江南未接人事往往聞詹名閭巷間

詹之稱於江南也父下或有貞元三年余始

至京師舉進士聞詹名尤甚余下或有年十

或云當并出則八年春遂與詹文辭同考試

登第始相識自後詹歸閩中余或在京師他

處不見詹父者惟詹歸閩中時為然其他時

與詹離率不歷歲移時則必合合必兩忘其

世綵堂

所趨父然後去故余與詹相知為深詹事父

母盡孝道仁於妻子於朋友義以誠氣醇以

方容貌嶷嶷然音嶷其燕私善謹以和其文

章切深喜往復善自道讀其書知其於慈孝

最隆也十五年冬余以徐州從事朝正于京

師公為徐州詹為國子監四門助教將率其

徒伏闕下舉余為博士會監有獄不果上或

監字觀其心有益於余將忘其身之賤而

為之也嗚呼詹今其死矣詹閩越人也父母

老矣捨朝夕之養以來京師

作以或其心將以

有得於是而歸為父母榮也

有得或作在得或無於是字而

有複出將雖其父母之心亦皆然詹在側雖

無離憂其志不樂也詹在京師雖有離憂其

志樂也若詹者所謂以志養志者歟詹雖未

得位其名聲流於人人其德行信於朋友或

朋友雖詹與其父母皆可無憾也詹之事業文

章李翱既為之傳故作哀辭以舒余哀或傳

之說或作之誌故以傳于後以遺其父母而

大

昌黎卷廿二

五

世綵堂

王

解其悲哀以卒詹志云

悲哀或作哀悲○今按上文已連有兩哀

字不應如此重複或當刪去此哀字○詹或作其

求仕與友兮遠違

其鄉父母之命兮子奉以行友則既獲兮祿

實不豐以志為養兮何有牛羊事實既修兮

名譽又光父母忻忻兮常若在旁命雖云短

兮其存者長終要必死兮願不永傷友朋親

視兮藥物甚良親視或飲食孔時兮所欲無

妨孔或壽命不齊兮人道之常齊一在側與

遠兮非有不同山川阻深兮鳧鳧流行祀祭

則及兮勿謂不通哭泣無益兮抑哀自彊或益

作推生知死兮以慰孝誠嗚呼哀哉兮是亦

難忘哉下或無兮字

題哀辭後或刪此四字作題歐陽生哀辭後崔羣及詹皆與公

同年劉伉姓名僅見于此他無所聞

愈性不喜書自爲此文惟自書兩通其一通

遺清河崔羣羣與余皆歐陽生友也友上有字或

哀生之不得位而死哭之過時而悲其一通

今書以遺彭城劉君伉君喜古文或無書字或無伉字

小字

八日昌黎卷廿二

六

世綵堂

一作君字以吾所爲合於古詣吾廬而來請者

八九至而其色不怨志益堅或無志字凡愈之爲

此文蓋哀歐陽生之不顯榮於前哀一作痛又懼

其泯滅於後也今劉君之請未必知歐陽生

其志在古文耳其志上或雖然下或有苟愛

義八字下又或有則進知愈之爲古文

豈獨取其句讀不類於今者邪思古人而不

得見學古道則欲兼通其辭通其辭者本志

乎古道者也乎或作於方从三本無道字以



矣理古之道不苟譽毀於人此下或有然則吾

也一字劉君好其辭則其知歐陽生也無惑焉實

獨孤申叔哀辭申叔字子重年二十

博學宏詞為校書郎又三年居

父喪未練而歿蓋貞元十八年

也柳子厚有獨孤賦而公作辭哀

持正有傷獨孤賦而公作辭哀

之公嘗與崔羣書天人好惡之

說與此語意一同蓋出太史公

論之伯夷

衆萬之生誰非天邪明昭昏蒙誰使然邪行

何為而怒居何故而憐邪怒或作怨或作思

大言為或作胡喜厚其所可薄而恒不足於賢邪將

下民之好惡與彼蒼懸邪或無抑蒼茫無端

而斲寓其閒邪寓下或死者無知吾為子慟

而已矣如有知也子其自知之矣或無自字

或無自字濯濯其英曄曄其光如聞其聲如

見其容此句或作如處其旁非是烏虓遠矣

何日而忘烏虓或祭穆員外文為崔侍御作晁本篇首

陵崔愬謹以清酌之奠祭于亡

昌黎卷廿二 七 廿綵堂 王壽

邪舊傳員卒檢校員外郎杜亞  
留守東都辟為從事皆與此文  
合新傳員終侍御史故晁本稱  
端公也穆員字與直懷州河內  
人宣州觀察使寧之子工  
為文崔侍御名愬無傳

於乎建中之初予居于嵩攜扶北奔或作避

盜來攻晨及洛師相遇一時顧我如故眷然

顧之如或作無子有令聞我來自山子之畋

明畋或我鈍而頑道既云異誰從知我我思

其厚不知其可知其或作可而知於後八年君從

杜侯我時在洛亦應其招貞元五年十二月  
以杜亞為東都留

大  
守亞辟員為從事檢校員  
外郎愬時亦為亞所辟留守無事多君子

僚罔有疑忌維其嬉游草生之春鳥鳴之朝

我轡在手君揚其鑣君居于室我既來即或

以嘯歌嘯或或以偃側誨余以義復我以誠

復我或作我復。今按下文云無非  
德聲則此二句專指穆也當作復我終日以

語以或無非德聲主人信讒有惑其下殺人

無罪誣以成過入救不從反以為福赫赫有

聞王命三司察我于獄相從係縲曲生何樂

直死何悲曲或作直直或作曲二  
何或皆作可皆非是上懷主人

主或作內閔其私閔或作關皆非是進退之難君

王非是君或作既釋于囚今豺運為東京牙

處之宜居非是既釋于囚門將亞惡其為人

會盜劫輸綃於洛北運適畋近郊亞意其為

之命員及從事張弘靖鞠其事無之亞怒囚

員等員由我來徐州道之悠悠思君為憂我

此知名如京師君居父喪哭泣而拜言詞不通我歸

自西君反吉服晤言無他往復其昔其疑當

不日而違重我心惻自後聞君母喪是丁痛

毒之懷六年以并經一作孰云孝子而殞厥靈

今我之至入門失聲失或酒肉在前君胡不

餐升君之堂不與我言於乎死矣何日來還

祭郴州李使君文公貞元十九年冬

州識李使君有李員外寄紙筆

及又魚詩即所謂獲紙筆之雙

賀投又魚之短韻也其生平契

分皆具此文筆墨間錄云祭李

郴州文維年月日將仕郎守江陵府法曹參軍韓愈

謹以清酌庶羞之奠敬祭于故郴州李使君

之靈文苑此篇首題云維元和元年歲次景

云云使君員外三兄古語有之白頭如新傾

之靈考之唐曆皆合

蓋若舊顧意氣之何如何日時之足究何或

當貞元之癸未或作酉○今按癸未者貞惕

皇威而左授伏荒炎之下邑嗟名頹而位仆

歷貴部而西邁邇清光於暫覲於或言莫交

而情無由莫或作若或作既不賈而奚售哀

窮遐之無徒遐或作荒徒或作圖挈百憂以自

副辱問訊之綢繆恒飽飢而愈疚接雄詞於

章句窺逸跡於篆籀直右苞黃甘而致貽獲

紙筆之雙賀即李員外寄紙筆云莫投义魚

大云卷十一 昌黎卷十二 世深堂 王壽

之短韻即公义魚十八媿韜瑕而舉秀竦新

命於衡陽費薪芻於館候柳在衡山之陽貞

順宗赦徙椽江空大亭以見處憇水木之幽

茂逞英心於縱博沃煩腸以清酌以一航北

湖之空明觀鱗介之驚透宴州樓之豁達衆

管啾而並奏啾或作湫選閑居得恩惠於新

知脫窮愁於往陋窮或寬輟行謀於俄頃見秋

月之三勢逮天書之下降猶低迴以宿留音上

秀下音溜前漢宿留海上念睽離之在期謂

此會之難又授縞紵以託心子吳季札聘鄭見

與之縞帶子產獻紵衣馬示茲誠之不謬或授

見左氏襄公二十九年作儻後日之北遷約窮歡於一晝雖掾俸之

酸寒要拔貧而為富何人生之難信捐斯言

而莫就始訝信於暫踈遂承凶於不救承或

於一見明旌之低昂字明諸本作銘此閣本

旌之尚遲疑於別袖憶交酬而迭舞奠單盃而

哭柩美夫君之為政不撓志於讒構撓或作

撓非是皆非是遭脣舌之紛羅獨陵晨而孤雉陵一作

彼儉人之浮言雖百車其何詬車或作年

馮衍出妻書云詞語百洞古往而高觀固邪

正之相寇幸竊覩其始終敢不明白而蔽覆

神乎來哉辭以為侑尚饗

祭薛助教文公達字大順詳

維元和四年歲次己丑後三月二十一日景

寅丙寅作景寅朝散郎守國子博士韓愈墓

志石本太學助教侯繼謹以清酌之奠祭于

亡友國子助教薛君之靈繼下或有等字薛

昌黎先生集卷之三十一 十一 世孫堂

東薛君七官之靈 嗚呼吾徒學而不見施設祿又不

足以活身天於此時奪其友人同官太學日

得相因奈何永違祗隔數晨笑語為別慟哭

來門來或作東藏棺蔽帷欲見無緣皎皎眉目在

人目前酌以告誠庶幾有神嗚呼哀哉尚饗

祭虞部張員外文張季友也公同王

承宣邢冊等六人者皆與張貞

元八年同年進士時陸贄典貢

維年月日愈等謹以清酌庶羞之奠敬祭于

昌

昌

昌

昌

亡友張十三員外之靈文苑作元和十年

日中書舍人王涯考功郎中知制誥韓愈禮

部侍郎崔羣京兆尹許季同考功員外郎庾

承宣河中節度判官殿中侍御史 嗚呼往在

貞元俱從賓薦司我明試時維邦彥各以文

售幸皆少年羣遊旅宿其歡甚焉出言無尤

有獲同喜他年諸人莫有能比倏忽逮今二

十餘歲存皆衰白半亦辭世外纏公事內迫

家之中宵興歎無復昔時如何今者又失夫

子今者或作於今懿德柔聲永絕心耳廬親之墓終

喪乃歸陽瘖避職妻子不知分司憲臺風紀  
由振遂遷司虞以播華問不能老壽孰究其  
因託嗣於宗託嗣或作嗣託天維不仁酒食備設靈  
其降止論德叙情以視諸誅尚饗

祭河南張員外文

貞元十九年冬公與張署自御史俱

出南方為令明年順宗即位俱徙江陵故几道塗經涉唱和契闊皆具此文公方從晉公討蔡祭其在元和十二年八月歟張之行治則詳於公誌

維年月日彰義軍行軍司馬守太子右庶子

昌黎卷十三

十三

十三

十三

十三

兼御史中丞韓愈謹遣某乙以庶羞清酌之奠祭于亡友故河南縣令張十二員外之靈

或無守太子右庶子字

貞元十九君為御史余以無能

同詔並跽

或作時選潘岳關中詩列營某時注時立也亦作時

君德渾

剛標高揭已有不吾如唾猶泥滓余驚而狂

音○憲年未三紀乘氣加人無挾自恃彼婉變

者實憚吾曹側肩帖耳有舌如刀我落陽山

以尹鼯猱君飄臨武山林之牢歲弊寒兕雪

虐風饕顛於馬下

雪虐杭本作嘯虎以顛於馬下言之由虎聲懼也風

饕餮謂虎貪風而嘯不已虎近於虐訛自此也

饕餮或作號○今按杭本全然不成文理以上

語歲弊寒兇言之八字我泗君咷夜息南山

相偶當為雪虐明甚

同卧一席守隸防夫觝頂交跣頂或作項非是洞庭

漫汗粘天無壁風濤相逐呼回切中作霹靂追

程盲進颿船箭激颿或作帆南上湘水屈氏

所沈上或作之二妃行迷淚蹤染林山哀浦思鳥

獸叫音余唱君和百篇在吟君止于縣我又

南踰把觥相飲後期有無期宿界上一又相

語自別幾時遽變寒暑遽或作復枕臂歌眠

加余以股僕來告言虎入廐處無敢驚逐以

我驂去蒙驢音君云是物不駮於乘虎取而

往來寅其徵寅或作寅○今按寅為辰名寅

條我預在此與君俱膺猛獸果信惡禱而憑

獸蜀本作首李本校作孟首不知得之何本

也葛魯卿云驂不駮虎取之則亨矣不待禱

而有憑也○今按洪謝本皆作孟首謂正月

孟春之首也張言來寅其徵以虎為寅神故

言來歲寅月當有徵驗孟首果得歸也然且作猛獸亦通余出嶺中君竢

州下偕掾江陵非余望者郴山奇變其水清

寫泊砂倚石有還無捨楚詞云重華不可還

小九十五  
昌黎卷三  
十四  
世錄世



衡陽放酒熊咆虎嘯不存令章罰籌蝟毛存不

或作存不罰或作罪唐人會飲以籌記罰劉

夢得詩罰籌長樹纛是也○今按今章謂酒

令違今則以委舟湘流往觀南嶽雲壁潭潭

籌記其罰也雲或穹林攸擢避風太湖七日鹿角太或作

作天洞庭湖中地名元微之有鹿魚大鹿角

詩湖旁至今有鹿角巡檢司也鈞登大鮎怒

頰豕狗狗或作豹非是或云鬻盤炙酒羣奴

餘啄走官階下首下尻高前漢尻益下馬伏

塗從事是遭予徵博士君以使已元和元年

為國子博士署掾江陵半相見京師過願之

年邕管奏為判官不往

始分教東生君掾雍首元和二年公分教東

參軍雍州名書黑水西兩都相望於別何有

河惟雍州○雍於用切

解手背面遂十一年君出我入如相避然生

闊死休生闊死休或作吞不復宣刑官屬郎

引章許奪或作奮許方作許奪○今按奪謂

志云守方法爭議棘棘不阿即權臣不愛南昌

此事也方本無義或本亦非是幹今按墓志張自刑部出明條謹獄氓獠

戶歌音老獠用遷灋浦為人受瘥署自虔州改

徵錢出雜產物與錢尚書有經數觀察使牒州

昌黎卷廿二 一五 世祿管

民留牒不肯從竟還家東都起今河南屈拜

後生憤所不堪屢以正免身伸事蹇竟死不

昇孰勸為善丞相南討元和十六年以宰相

置使南討余辱司馬議兵大梁時宣武軍節度

都統使將出討走出洛下哭不憑棺奠不親

斁不撫其子葬不送野望君傷懷望君或作

有隕如瀉銘君之績納石壤中或作爰及祖

考紀德事功紀或作已事或作著事功作著

後世則重出著字又似可疑姑从舊本作事

蓋紀其德紀其事紀其功也又恐或是序字

奚憾不余鑒衷嗚呼哀哉尚饗

祭左司李員外太夫人文謂與其子同僚必公

為職方員外郎時也

維年月日某官某等謹以清酌庶羞之奠敬

祭于某縣太君鄭氏尊夫人之靈某等或作

胄于茂族配此德門克成厥家享有全福為

婦為母再朝中宮楮紳推榮宗黨是則某等

幸隨令子同服官僚庶展哀誠式陳牢醴尚

饗

祭薛中丞文

一本同李逢吉孟簡張

惟素張賈祭薛中丞存  
誠也薛嘗劾浮屠鑿虛罪抵死  
表李位無罪事見舊史本傳甚  
詳

維年月日

文苑作元和九年

某官某乙等謹以清酌

庶羞之奠祭于亡友故御史中丞贈刑部侍郎薛公之靈公之懿德茂行可以勵俗清文敏識足以發身宗族稱其孝慈友朋歸其信義累昇科第亟踐班行左掖南臺北齊號御史臺為南

臺

日九

昌黎卷廿二

十七

世綵堂

元

共傳故事詩人墨客爭諷新篇羽儀朝廷輝映中外長途方騁大限俄窮聖上軫不憖之悲具僚興云亡之歎况某等忘言斯久知我俱深青春之遊白首相失來陳薄奠詎盡哀誠嗚呼哀哉尚饗

祭裴太常文

裴之諱字皆不可考

維年月日愈等謹以庶羞清酌之奠敬祭于故太常裴二十一兄之靈

文苑作元和九年

事中李逢吉給事中孟簡吏部侍郎張惟素吏部侍郎張賈比部郎中史館修撰韓愈等

人五朝廷之重莫過乎禮雖經策具存而精通  
蓋寡自郊丘故事宗廟時宜大君之所旁求  
丞相之所卒問羣儒拱手宗祝醉心兄皆指  
陳根源斟酌通變莫不允符天旨克協神休  
至乎公卿冠昏士庶喪祭疑皆響答問必實  
歸從我者足為軌儀異我者無逃指笑動為  
時法言比古經作比一必獨立一朝高視千古而  
又驅馳朋執俛俛宗親檐石之儲常空於私  
室檐諸本多作觀舊本多作檐公秋懷詩用  
觀字按後漢明帝紀生無檐石之儲檐字  
本此郭璞方言注觀石之儲實用觀字前漢  
崩通揚雄傳皆只作檐貨殖傳醬千檐顏曰  
檐人檐之也一方丈之食每盛於賓筵贈必  
檐兩鬕丁濫切

昌黎卷廿三

昌黎卷廿三

廿

廿綵堂

元

哀哉尚饗

潮州祭神文五首

晁本第一首題作祭湖神文第二首

題作又祭止雨文第三題祭城

不立題皆元和十四年夏秋作

維年月日潮州刺史韓愈謹差攝潮陽縣尉

史虛已以特羊庶羞之奠告于大湖神之靈  
愈承朝命爲此州長今月二十五日至治下  
凡大神降依庇貺斯人者皆愈所當率徒屬  
奔走致誠親執祀事於廟庭下今以始至方  
上奏天子思慮不能專一冠衣不淨潔與人  
吏未相識知牲糝酒食器皿犗弊犗一作損  
切又音所不能嚴清又未卜日時不敢自薦  
見使攝潮陽縣尉史虛已以告神其降監尚  
饗

行擇

八昌黎卷廿二

世森堂

元

維年月日潮州刺史韓愈謹以清酌服脩之

奠祈于大湖神之靈

禮記大享尚服脩注云

按若作時則脩當

作羞○服丁貫反曰稻旣稔矣而雨不得熟

以穫也或無以穫

蠶起且眠矣而雨不得老

以簇也歲且盡矣稻不可以復種而蠶不可

以復育也農夫桑婦將無以應賦稅繼衣食

也非神之不愛人

或無之字愛

下無此字刺史失所職

也百姓何罪使至極也神聰明而端一聽不

可濫以惑也刺史不仁可坐以罪惟彼無辜

惠以福也。劃劃雲陰卷月日也。

月日或作日  
月非是○劃

忽麥切又音麗幸身有衣口得食給神役也。

上口

或有而字充上之須脫刑辟也。選牲為酒以

報靈德也。吹擊管鼓侑香潔也。拜庭跪坐

或庭

廷作如法式也。不信當治疾殃殛也。神其尚饗。

維年月日潮州刺史韓愈謹以柔毛剛鬣清

酌庶羞之奠祭于城隍之神間者以淫雨將

為人災無以應貢賦供給神明上下獲罪罰

之故乃以六月壬子奔走分告乞晴于爾明

昌黎卷廿二

世宗堂

元

神下或再出爾

明神閔人之不辜若饗若答

饗或響糞除天地山川清風時興白日顯行蠶

穀以登人不咨嗟咨或疵惟神之恩夙夜不敢

忘怠謹卜良日躬率將吏薦茲血毛清酌嘉

羞一作肴侑以音聲以謝神貺神其饗之

或作茲或

作鑒

維年月日潮州刺史韓愈謹遣耆壽成寓以

清酌少牢之奠告于界石神之靈

此五字或

神曰惟封部之內山川之神克庥于人

庥或庇

官則置立室宇備具服器奠饗以時淫雨既  
霽蠶穀以成織婦耕男忻忻衍衍是神之庥  
庇于人也敢不明受其賜謹選良月吉日齋  
潔以祀神其鑒之尚饗鑒之或作鑒茲  
維年月日潮州刺史韓愈謹以清酌庶羞之  
奠祭于大湖之神惟神降依茲土以庇其人  
今茲無有水旱雷雨風火疾疫為災各寧厥  
宇以供上役長吏免被其譴賴神之德夙夜  
不敢忘謹具食飲躬齋洗奏音聲以獻以樂  
以謝厥賜不敢有所祈尚饗

世綵堂

昌黎先生集卷第二十二

廿一

世綵堂

昌黎先生集卷第二十二

世綵堂  
勅梓家







